


首相迨攬大政助 上力行祖宗法度 上亦悉心聽納十
年以來海內肅清四夷咸服太倉之粟可支數年同寺積金
不下四百餘萬成君德抑近侍嚴考成覈名實清郵傳挾地
畝洵經濟之才也使其開誠布公持止足之戒敦寬大之風
雖古賢相又何以加于此焉惜其褊衷多忌小器易盈箝制
言路倚信佞倖方奪情時威權震主禍萌驂乘何怪乎身死
未几而慘辱隨之也識者謂居正功在社稷過在身家諒夫
後數十年人猶殷々不置追誦其功至天啟元年仍復其官
如制

于慎行曰萬歷初年江陵用事與馮璫相倚共操大權于
君德夾持不為無益惟馮藉 太后携持人主束縛鈐制
不得伸縮 主上聖明雖在冲齡心已默忘故禍机一發
遂不可救世徒以江陵摧抑言官操切政體以致禍之端
以奪情起復二子及第為得罪之本固皆有之而非其所
以敗也江陵之所以敗惟操弄之權鈐制太過

馮時可曰江陵在事振綱肅紀脩內攘外使天下宴然如
覆盂不可云無功其苞苴餽遺多卻而少受不可云貪貨
亡論其他即如江南諸郡所與相閔通者惟徐相國家與林




太僕耳此外即筭器食莫有致者惟是好攬權而喜附已
則于賢者若擲沙遺潘而莫之恤于佞者若嗜醴悅糴而
莫之厭故一時舉措多拂人意又其交內豎以固位進珍
玩以希寵甚非大臣之道至于奪情拒諫鼎甲其子而名
行大墜人心大失矣所謂君子有大道忠信以得之驕泰
以失之于斯驗哉

謝肇淛曰江陵行事雖過操切其寔有快人意者如沙然
汰生員廢書院減郡縣去諸冗員是也至于久任稍苦諸
守令禁勘合則苦于行旅是以人多怨之至其結馮保以

收諸內豎之柄比任戚繼光而虜不敢窺塞垣南任譚論
而倭寇讐服其才智明決有過人者昔張乖崖謂衆人千
言不盡寇準一言而盡江陵有焉而未節驕奢縱恣以覆
其宗則亦不學無術之過矣

毛壽登曰江陵承顧托輔幼主身伊周之任寵眷稠渥前
古未有也天下固已側目其身矣而振綱剔弊海內披靡
又皆其誓況族碎家而為之者也雖欲避專擅之跡何可
得然公無所不可得之人主而奪情之役不以死爭推擊
過當有容之度闕焉豈自信報主眷平物論蓋有非常之



功誠不屑區區形迹間飾欺言塞衆望即海忠介有言居
正工于謀國拙于謀身諒哉上下數十年間墨衰視事楚
人兩見然江陵名差不正而人顧自思之矣

戊申頒暹羅國王印

己酉禮部尚書兼文淵閣大學士余有丁充摠裁官及同知
經筵事官

庚戌吏部左侍郎兼翰林院侍讀學士許國改戶部署詹事
府事

浙江道試御史雷士楨言潘晟久玷清華不聞亮節初為禮

部尚書穢跡昭著先帝嘗斥之其再起輿情共惡皇上
又斥之今一旦畀具瞻之任恐貪榮倖進者流有以窺皇
上之舉動也幸收回成命罷遣行人更擇者碩以昭明白之
治上不聽給事中張鼎思王繼光孫瑋牛惟炳御史魏允
貞王國各有言晟遂疏辭令新銜致仕


談薦遷曰宰相莫大于薦人蕭何之薦曹參諸葛亮之薦
蔣琬其身雖沒矩矱不移江陵末節疾篤所薦二相俱非
穉望豈向來特識以鬼錄蒙之耶聞其時勢弥留遣上

問以後事王篆輩為善後慮覲二人代位群小合勢或非

國權

萬曆十年

九



江陵本意也

壬子臨淄王勤攻子朝聖為濫妾所生降襲奉國將軍

新開淮安永濟河成亘四十五里賜總督河務凌雲翼金幣
先是安南貢使遣通事范可久送至憑祥州土官李德勝等
苛索可久不可德勝率土目陳珠等入閩遂大亂可久自刎
是月胡婦大嬖只乞慶哈部妾同炒蠻盜邊殺掠事聞奪副
總兵陳文治俸三月張崇謙二月


瞿九思曰臣聞之曰薊門以險為邊墉臺聯時而虜騎時
復小入塞何哉說者曰邊長二千里有險易者通大舉

險者通步賊惟是大舉易禦鼠竊難防信哉是言也大嬖
只炒蠻之屬夫非我市夷與乘隙盜邊歲有之臣又聞
撫賞費我已增至二千五百餘金而諸虜曾無厭心乎朝
德而夕仇東賞而西寇甚乎哉諸酋几自倦不然者夫豈
不知漢法之嚴峻也

是月有鳥鳴銅仁府學聲如雷

七月丙辰朔上享太廟

大宣府地額六萬三千一百三十六頃均糧十九萬四千九
百十八石



丁巳禮部右侍郎陳思育為左侍郎兼侍讀學士

起王遴兵部右侍郎

大學士張四維言入秋漸涼仍講訓錄報聞

庚申保定巡撫陰武卿請蠲保定等州縣萬歷七年以上草

料銀站銀夫皂銀從之

勒周府鎮平王府奉國將軍勤煥自盡以斃兄謀兩妻也

辛酉命有司祭歷代帝王陵

右春坊右贊善沈鯉脩撰沈懋孝主試應天

復濟南管馬通判

江南丈田原額四十五萬一千五百八十頃五十餘畝多餘

九千五百四十餘頃各衛所屯田九千八百九十九頃

癸亥丈出貴州額外民田十四萬二千三百十四畝屯田一

萬七千一百八十一畝


甲子左春坊左贊善沈鯉為侍讀學士署院

浙江開化大水

廣西丈出官民田七百六十八頃八十七畝

丙寅吏部左侍郎楊巍為南戶部尚書左副都御史胡櫛

為刑部右侍郎



免廬鳳淮揚萬歷七年以上駙站銀共五萬六千九百五十七金

丁卯城江西奉新萍鄉萬載三縣

故錦衣衛北鎮撫司僉袁彬孫承恩襲都指揮僉事

戊辰提督京城巡捕署都督僉事李超為南京前軍都督府僉書

陝西旱災

揚州太倉常熟上海崇明嘉定吳江大風雨拔木潮溢壞田禾十萬餘頃漂二百餘家

已卯浙江丈出田一萬六千一百十二頃十七畝軍田三十

四頃五畝

庚辰晉府與寧化王爭田撫按清丈歸寧化王

予故太子太保兵部尚書郭乾祭墓

辛巳兩淮鹽運使陳楠以貪墨削籍下臺訊

哈密衛都督同知米兒馬黑麻乞襲祖職許之

壬午初高淳副使張蘊知州張應亮陳時文憾知縣李永催


賦鼓愚民誣告之巡撫孫光祐以聞命蘊等削籍下臺訊

命錦衣衛護張居正歸葬

國權

萬歷十年

三



甲申命司禮太監陳正護張居正母趙氏南歸

脩撰黃鳳翔為右春坊右中允署司業

山西管糧叅政杜友蘭開荒寔效遷太僕寺添注少卿專管

東路營

八月戊子 上祀太社太稷

辛卯左春坊左諭德兼翰林院侍讀朱賡侍講韓世能主試

順天

壬辰鑄雲南分守晏普金滄洱海臨沅各道關防

乙未楊寅秋趙楷補選御史

丙申 皇元子生恭妃王氏出

丁酉徵太倉二十萬金光祿寺十萬金備官賞戶部求約省

報聞

戊戌 上受賀皇極殿

授王道亨錦衣衛帶俸指揮僉事恭妃兄

己亥前巡撫甘肅兵部右侍郎兼右僉都御史侯東萊卒山

東掖縣人嘉靖庚戌進士


釋輕囚

丁未免涉縣湯陰林縣盧氏陝州新安澠池夏稅

國權

萬曆十年

二十三



戊申夜月入井宿犯火星

先是陝西宜君三水縣田民作亂官軍討平之

倭寇興化漳南官軍擊斬三十餘人

癸丑賑祁門縣水災發萬金賑榆林延安綏德三衛

賑寧夏

免保定河間真定順德廣平大名田租

甲寅工科右給事中王敬民上四事處積餘酌歲造禁冒濫

嚴稽查章下所司

九月丁巳雲南進年例黃金二千兩以後期詰問閣臣張四維

等乞寬宥從之

和川王府鎮國將軍廷奎薨斃族弟廷堦賜死

戊午河南丈出田八千九十三頃十七畝有奇

辛酉頒元子恩詔

壬戌 上仁聖懿安康靜皇太后徽號

乙丑奉上 聖母慈聖宣文明肅皇太后徽號兩宮禮成詔

示天下


丁卯進張四維少師申時行少保各廕尚寶司丞余有丁太

子太保廕中書舍人

國權

萬曆十年

三



庚戌大同提兵官麻貴為征西將軍都督同知提兵官鎮守
寧夏

癸丑提督京營彰武伯楊炳進太子太保

鑄崇文門通州草場各分司關防

己巳南京河道御史郭維賢為前翰林編脩吳中行檢討

趙用賢刑部員外郎艾穆主事沈思孝進士鄒元標 上怒

其黨降外金山縣丞給事中尹理等御史印祥等疏救各奪

俸有差

庚子蠲陝西萬歷十年以前苑馬寺馬價

隰川王府鎮國中尉廷徑匿名越奏廢為庶人

日講官陳思育陳經邦各加太子賓客沈鯉改侍讀學士加

十四品服朱廣王家屏為左右庶子兼侍讀署坊局如故沈一

貫為右諭德兼侍讀

誅歛人楊文學文學假丹術游松江值閹人鄭喜偽稱寧府

散誕王喜稱石城王府內使冒冠服私牌毆人死事發浙江

撫按擬假官律 上惡其情刑部引詐傳詔旨及私自淨身


律梟文學斬喜

壬午駙馬都尉侯拱辰攝宗人府事

國權

萬歷十年

二五



癸未 慈聖發帑金二十萬太僕寺馬價三十萬勞各邊卒
甲申內官等監因慶典為工匠陳乞五百七十人餘工科都
給事中李廷儀言工匠有月廩自其常職名器至重榮以冠
帶已非其據加以俸級尤非其宜且近嘗裁冗員而一日陞
俸級數百冒濫太甚有限之財安能供無窮之費而乎吏部
不能爭後遂為例云

十月乙酉朔 上享太廟

丙戌 永陵昭陵寶城成

己丑鑄福建福寧漳南建南等各守道關防


己亥御史曹一夔論王國光并及張四維疏入留中遣內臣
諭四維毋介意四維疏謝求罷不允時 上屬精求治去留
皆獨斷云初張居正薦潘晟位申時行上以偏張四維及晟
論罷馮保大怒曰執政無我嗾御史劾國光侵四維申時行
曰事迫矣謀發保客徐爵等表裡奸利狀

庚子前左都御史潘恩卒字 上江南上海人嘉靖癸未進

士贈太子少保謚恭定

辛丑予德府嘉祥王常注民校二十人例也

癸卯張四維三疏乞休不允



進吳克梁夢龍太子太保加李成梁歲祿五十石陰武卿等
戚繼光各廕賚有差史完等逮罰有差以閱科舉劾也

甲辰兵部尚書梁夢龍改吏部兼太子太保

乙巳御史張問達劾張四維 上怒其瀆妄謫福建鹽運司

知事

浙江巡鹽御史孫洵上言九事曰平徭役清逋併復丁壯
灶困寬鹽禁恤運軍命旗甲收人才定疑貳其多言可採部
議從之

庚戌命 皇弟潞王歲祿萬石今在京且支三千石鈔萬貫

給旗尉六百人軍千人隨侍

辛亥謚潘王恪煊曰宣趙府江寧王載璞曰莊惠南樂王厚


燿曰康順德府涇陽曰王厚禎曰温文

壬子總督陝西兵部左侍郎高文薦上延綏寧夏固原甘肅

四鎮圖說

癸丑南禮部尚書劉斯潔致仕

是月四川討緬甸叛夷初緬甸酋莽瑞體生時值大雪其室
獨無旦夜有光及長沈鷲善用兵拓地萬里嘉靖間據擺古
威劫諸夷為永騰患是年子死應禮繼之益肆江西人岳鳳



游麓川冒為宣撫多民土目遂後自立懼討族應禮作亂永
騰大震

十一月乙卯朔總督薊遼太子太保兵部尚書吳克回部


丁巳宣嶺南遼東之捷先是廣東數苦倭而蛋賊梁定本復
購倭流劫海上總督尚書陳瑞擊破之斬本家先後擒斬倭
千六百有奇沉二百餘艘無遺類建州屬夷王果遣子阿台
誘北虜犯孤山總督吳克追斬一百八十餘級并殲各酋五
十六人獲馬五百
免山西今年秋糧銀共二十萬六千九百九十餘金

鑄貴州貴寧道新鎮道分守關防

乙丑協理京營戎政兵部左侍郎王遴為南工部尚書

丁卯徵潞王婚禮金珠各色金三千八百六十九金青紅寶
石八千七十塊各色珍珠八萬五千餘粒珊瑚珍珠二萬四
千八百餘粒戶部告乏不聽

初四川永寧宣撫司土婦奢世統與署印土婦奢世續世以
女奢效忠獨不效忠死妻世統無出妾世續生子三異居爭
印仇殺總兵郭成泰將馬呈文會勘以千兵深入落紅世統
所居也世續亦以兵尾其後沙卜拒戰我軍失利成等因素



沙卜世統不從殺把總黃希忠等三人拘指揮禹嘉績仍聚
苗兵萬餘欲攻永寧泄忿事聞責成呈文戴罪入道萬一
賞罰俸三月

戊辰固安伯陳景行卒江南通州人仁聖太后之父歲貢
生抑畏不失故步贈太子太保贈恭靖

己巳山東巡撫楊俊民為兵部右侍郎兵部左侍郎賈應元
協理京營戎政

庚午潞王府第城
辛未虜寇宣府新興堡游擊劉寅泰擊走之


乙亥初肅王縉續奏乞折祿莊田戶部言先懷王故絕折祿
庄田久抵甘固年例今肅王薨繼襲已久若復全祿違旨越
分臣實未見其可 上命半給之

丙子 元子命名常洛

丁丑免陝西萬歷七年屯糧

戊寅太僕寺卿陸樹德為右僉都御史巡撫山東

己丑閱視延寧甘固邊務工科左給事中蕭彥言肅州虜屢
掠番人攻我民寨傷我官軍歲無寧月臣目擊河西危急有
當亟議宜更將領易召募肅州連年多故諸番避居關廂今



虜中逃回往、投兵宜施優卹之策虜出入虜肅州涼庄鎮
乘間窺我虛實視我虛實虜一旦渝盟悔將何及 上是之

癸未宗人府災

十二月乙酉朔大理寺左少卿劉良弼為太僕寺卿

丁亥順天府丞趙煥為大理寺左少卿

賑西安鳳翔


戊子戶部給事中王繼元劾工部尚書曾省吾十罪勒免

己丑徐顯卿補侍讀

辛卯山西懷仁等王府奉國將軍聰潛等越閑赴奏自嘉靖

四十年至今歲祿米給戶部請廢為庶人徙閑宅 自上謂宗
祿欠久令所司措處每年量給二季資贍免徙閑宅 亦於
山東道御史汪東之劾錦衣衛指揮同知徐爵木逃戍緣馮
保門下濫叨武職擅入禁廷為謀叵測并論吏部尚書梁夢
龍以三萬金託爵賄保移典銓又孫女許字保姪謝恩之日
即拜爵狎飲受命公朝拜恩私室非明時所有命下爵于獄
錦衣嚴訊下刑部梁夢龍已御史鄧鍊趙楷各糾之遂令夢
龍致仕

壬辰司禮太監張鯨署東廠是日江西道御史李植劾司禮




太監馮保十二罪當誅有旨保欺君蠹國本當顯戮念効勞
日久調南京奉御閑住從子馮祐等俱削籍張大受等降火
者孝陵司香各籍其家初張居正卒上惡馮保左右知之
以告御史汪東之李植未敢即攻保先論徐爵果下獄論死
乃攻保上曰朕待此疏久矣

順天府尹張國彥請禁收火耗收商稅各郡縣官玩忽者不
時查叅報可
時遼左屬夷王台死仰家奴逞加奴乘間與虎兒罕赤仇殺
令西虜黃台吉等陽助虎兒罕赤陰收白虎等赤自益巡按

馬允登以聞乞宣諭二奴各罷兵勿為西虜所愚如二奴狂
逞須圖善後之策 上是之

瞿九思曰世傳海西為金遼遺種豈其然乎以臣而觀開
原天所以限北虜也方王台時北虜最倔強卒不敢越海
南飲馬于遼瀋東南豈非台能振其左臂哉及王台僂把
其三獻王果則又未嘗不壯其忠烈也

甲午吏部左侍郎王景免先是巡按直隸王國論馮保招權
納賄張居正沒令徐爵納其名琴七明珠九珍珠簾五金三
三萬銀十萬王篆餽保銀三萬王帶十謀領都察院篆奏辦



有旨調南京御史李廷彥復論篆貪縱不法令冠帶閑住
乙未令行太僕寺中路少卿郭汝瑄經清理水營互市兵糧
道副使劉堯卿經理平虜中衛互市各納勅
丙申吏科給事中陳與郊論禮部右侍郎陳思育太僕寺少
卿于鯨黃緣徐爵結納馮保朋奸當斥有旨陳思育留用于
鯨降二級調外已思育抗辨吏科陳燁又論其撻飾且發其
營私贖貨縱欲宣淫諸不法事其需索駙馬二千金又張君
正舍人游七憑籍呼吸製一手卷曰楚濱欣賞徵諸臣詩文
連篇賀之謝以玉盃古畫犀帶與試賄舉查謙亨等遂免思

育回籍聽調

戊戌陝西道御史楊四知論故張居正十四罪謂欺君蔽主
奢僭侈專招權樹黨忘親有旨居正朕虛心委任寵待甚隆
不思盡忠報國顧怙寵行私殊負恩眷念係 皇考付託侍
朕冲齡有十年輔理之功姑不問以全終始寵清馮昕游七
下鎮撫司獄仍諭廷臣各脩職業不必追言往事

壬寅四川道御史孫繼光請宥前編脩吳中行檢討趙用賢
貢外郎艾穆主事沈思孝進士鄒元標又南給事中余懋學
御史趙應元傅應楨朱鴻謨益一脉南貢外郎王用汲從之



以開言路已吏科給事中陳與郊雲南道御史向日紅又言
之有旨朕一時誤聽致降罰失中今俱起用復郭惟賢職
許王國光原官致仕
南京太僕寺少卿張孟男為南太僕寺卿
癸卯兵科給事中孫瑋劾左副都御史勞堪希張居正意殺
故刑部左侍郎洪朝選其子洪競赴闕控訴堪飛書馮保廷
杖几死 上怒免堪官遣戍孫瑋又劾太監魏朝東廠辦事
官金言鄭如為馮保謀主下言等獄朝不問已戶科給事中
田大年極論朝不聽


嚴門禁

乙巳南戶部尚書楊巍為工部尚書

太子賓客禮部右侍郎陳經邦為吏部左侍郎

四川道御史孫繼光薦前南左都御史魏學曾養病戶部左
侍郎吳胡執禮右僉都御史宋纁光祿寺卿賈玉近太常寺
卿溫純驗封郎中陳有年福建提舉學士事趙參魯給假禮
部左侍郎王錫爵聽降南右僉都御史致仕順天府尹曹科
浙江道御史朱光字章下

丙午山西道御史魏允貞言吏部為六曹之長得其人則斥



陟皆當非其人則斥陟皆私 陛下臨御以來張瀚王國光
梁夢龍三易矣聞往者會推吏部先受意閣臣或司禮監名
氏已定然後會推其知厚干請而進者十九德器才望而進
者十一乞今後慎之章下所司
丁未刑部尚書嚴清改吏部尚書時籍馮保家朝臣多交通
獨無嚴清名 上甚賢之
戊申賑延安慶陽平涼臨洮鞏昌萬金時大飢

國權

鹽官設遷孺木著

萬歷十一年癸未

正月乙卯朔松江地震


已未南兵部尚書潘季馴為刑部尚書南右都御史劉堯誨
為南戶部尚書保定巡撫陰武卿為左副都御史祭酒周子
義為禮部左侍郎

辛酉享太廟京師風霾

壬戌諭內閣傳示邊將加備

國權

萬歷十一年



御史張應詔劾南刑部尚書殷正茂提督兩廣兵部尚書陳瑞皆覬張居正馮保命正茂瑞俱免官

甲子禮部右侍郎周子義兼侍讀學士充會典副總裁侍讀徐顯卿仍纂脩召侍講于慎行

乙丑御史陳性學劾江西布政使叅政李選廣西按察使李宗魯娶其妻表從姑叙姻促席故相聞其事叱辱之相繼外補宜斥二臣雪衣冠之耻章下所司

御史毛在劾錦衣衛都督同知劉守有與同官李廷祿指揮

張照郭尚友等奉命籍徐爵馮保張大受周海等家貲至移運隱欺上切責守有嚴覈奪張照等官查出


納賄濟惡並下鎮撫司獄

辛未濬韓家口引渠出徐州工竣

壬申朝鮮入賀

御史陳性學言惜薪司太監姚忠所籍馮邦定金飾其表姪鄧勛求分毆死之南城黃御史提訊錦衣衛都督同知劉守有不發劾守有七大罪詔下姚忠司禮監

癸酉南刑科給事中阮子孝論張居正王篆私其子濫登科



第乞除名張四維奏張氏子並能文以連捷高第見嫉王篆
二子不知其才宜覆試 上不聽手批張懋脩等並除名御
御史魏允貞劾兵部尚書吳兌附高拱張居正賂馮保千金
章下所司

復戶部總督倉場兵部協理京營

甲戌左軍都督府僉書崇信伯費甲金改南右軍都督府
刑科給事中馮露御史韓國楨各劾陝西總督高文薦附馮
保娶侍郎王篆侍妾之妹交通賄賂命免文薦
提督操江南右僉都御史呂藎劾免

乙亥命科道會舉南京四品以上官吏部酌用

丁丑諭閣臣二月謁陵

起石茂華兵部尚書總督三邊軍務南工部尚書王遴改南
兵部廣西巡撫郭應聘進兵部右總侍郎總督兩廣軍務廣
東左布政使李江為右副都御史巡撫湖廣巡撫保定加右
副都御史仍巡撫

庚辰戶部乞停買金珠或量入太倉銀自收買不允


壬午前戶部右侍郎吳文華為兵部右侍郎兼右僉都御史

巡撫廣西

國權

萬曆十一年

三



復順天鄖陽二巡撫從御史王國之請

癸未貴州巡撫劉庠巡按御史傅順孫各言總兵郭成脅永寧宣撫司婦奢世統激變失利命按之


設遷曰郭子章黔記盛稱郭都督先為戚繼光偏裨平倭有功威聲遠播故一至群夷震疊有出掠者密遣健兒十數輩入深巢至折馘出不之覺苗以為神及按彈墨則永寧之變不勝意以之疑矣武人宣力疆圉非吸風餐露所同而稔禍于夷婦固難辭賢者之責也
瞿九思曰春秋傳不云乎並后匹嫡亂之本也始效忠沒

時以橐中裝遺世統以公館居世續母乃世續有丈夫子乎世續不借黨播酋則沙卜安挾大義哉名不正則言不順而臣獨謂續與統並名非是嘉耦曰妃怨禍曰仇然則續與統豈不忠仇乎哉故詩曰牝雞之晨惟家之索皆非虛語哉

是月緬甸莽應禮糾眾攻姚關時叅將鄧子龍守永昌游擊劉綎守騰衝

二月甲申朔張四維請十二日開經筵講詩易從之

吏部郎中蔣遵箴鑄二級御史顧爾行謫 典史



于鯨宣府巡撫賈應元聽勅以刑科給事中田疇劾也
乙酉工部左侍郎陳道基為南刑部尚書戶部左侍郎劉思
問為南右都御史

禮部右侍郎周子義為左侍郎 沈鯉為右侍郎兼管直

講如故大理寺卿辛自脩為兵部右侍郎大理寺左少卿趙
煥為南右僉都御史提督操江

發太倉銀十五萬太僕寺銀二十萬抵補臨洮鞏昌平涼延
安慶陽起運額餉


廣東提兵官黃應甲為左軍都督僉書

丙戌左春坊左庶子兼侍讀朱賡改侍讀學士署院

先是工科給事中馮景隆言前南兵部主事趙世錦卿以玉
官考察閑住南司業張位降徐州同知脩撰習孔教降泉州
推官量移邵武同知褫職乞復三人原秩又南御史孫維城
前侍讀趙志舉勸張居正終喪轉廣東按察副使考察解降
州同知吏部覆俱起用

南御史方萬山薦前司業張位南右僉都御史張岳並不附
故相又劾光祿寺王蔚傳作舟鬻官納賄並降一級調用

丁宮預卜壽宮下禮部工部遣視



戊子承天地震

南右軍都督府僉書崇信伯費甲金提督操江兼管巡江
少保左都達督薊永提兵戚繼光改廣東時議其黨張居正
兵科都給事中張鼎思謂有閩浙功故移鎮

林之盛曰戚將軍其安東南之績偉矣迄今士民思新安
即不得不推將軍獨怪將軍至浙時碌碌未有名分宜子
與朝臣為市顧不倚冰山及召起北邊此時將軍功名已
震天下即不遠尺寸亦可無憾乃竟以依違江陵招議何
哉豈以非得相臣心大將不可以成功將軍欲用所未盡

而姑為枉尺耶予嘗行邊一老弁語予曰此中大將最苦
要人以為金窟文人以為墨莊不得不相加遺則否孰外
翼之而孰游揚之又安能懸斗大印而據老上由斯以設
則將軍之交汪張也不得已也持文墨議論者其毋苛求
之哉


設遷曰江陵能盡人之才寘戚氏薊永間殆無北顧之憂
非戚將軍附江陵也江陵自重將軍耳餽遺因所不乏必
苛論其黨彼熊羆不二心之臣難乎自展矣

已丑大學士余有丁吏部左侍郎兼侍讀學士許國主禮閣

國權

萬曆十一年

六



戶科給事中王繼光劾吳兌交結逆保通饋將領侍郎賈應元先開府時太平王鼎鉉被論議停封因餽九千金仍勒百金為請封命應元勘贓罪兌不問

庚寅通政使倪光薦加工部右侍郎

辛卯 上御皇極殿冊潞王妃李氏

漕河提督兵部尚書凌雲翼為兵部尚書協理京營戎政戶部右侍郎王之垣為左侍郎南戶部右侍郎王廷瞻大理寺卿劉志伊俱改北順天府尹張國安為左副都御史撫治鄧陽山東右布政使翟繡裳為右僉都御史整飭薊州邊備巡

撫順天

復故御史劉臺官贈光祿少卿還其貲後二十年議謚侍郎郭正域謂臺遭詰畏禍先發制人非本心云不果行

御史于有年劾左都御史陳玠附權陷趙應元王用汲 上

曰言官須究事實若不分人品輒恣排詆大臣人自危豈

成政體奪有年俸六月

壬辰夜月犯井宿


採民女三百人年十五以下者

大理右少卿邵陞為左少卿

國權

萬曆十一年

七



甲午光祿寺卿減惟一為順天府尹大理左寺丞商為正為
南大理右少卿
禁山東富平蒲城朝邑私煎灘鹽
丙申徐州同知張位為尚寶司丞太僕寺卿劉良弼改光祿
寺卿

浙江巡撫張佳胤請省故尚書趙文華侵餉六萬有奇上
以乾沒十餘萬而免之何以懲惡戍其子慎思于邊

太僕寺卿劉良弼工部主事閻邦欽同欽天監正張邦垣術
人連世昌擇壽宮于天壽山曰潭峪嶺曰祥子嶺曰勒草窪


乞更選定命定國公徐文壁大學士張四維太監張宏往閱
并擇諸臣善地者

詔浙江總兵官移杭州初駐定海時杭州兵民再變也

鎮守居庸昌平總兵官右都督楊四畏改鎮守薊永山海
庚子禮部尚書徐學謨以南刑部尚書陳道基通政使左叅
議梁子琦貴州按察僉事胡賓並善地乞徵擇壽宮從之

皇城內外設欽依把總分轄東西

前南右僉都御史張岳降四川布政司左叅議
辛丑工部右侍郎何起鳴為左侍郎工部右侍郎熊汝達



起原官前南右都御史魏學曾為南戶部右侍郎總督糧儲
前戶部右侍郎傅希摯為戶部右侍郎兼右僉都御史總督
漕運兼巡撫鳳陽巡撫南贛汀漳右副都御史王緝為南大
理寺卿

南祭酒高啟愚為祭酒
宣府副總兵董一元為署都督僉事總兵官鎮守居庸昌平
乙未宣遠東之捷
河南巡撫褚鈇奏請留解京銀九萬金補宗祿不聽命議經
久之策

辛酉勅武清侯李偉左都御史陳玠居守徽巡

山東左布政使楊一魁為右副都御史巡撫河南應天府丞
李巳為大理左少卿

鎮守大同征西將軍都督同知總兵官郭琥致仕進左都督
給廩役

壬戌京師風霾


戶科都給事中蕭彥等言戶部停買金珠折價五萬輸內庫
金珠湊買非額也折價非名也乞賜停免不允

癸亥四川布政使左叅議張岳為太僕寺少卿浙江布政司

國權

萬曆十一年

九



右叅議董堯封為應天府丞

甲子封虜黃台吉明順義王扯力克龍虎將軍

署都督僉事寧夏總兵官麻貴改鎮西將軍鎮守大同

緬甸莽應禮犯永昌騰越殺掠亡算命劉綎為游擊將軍鄧

子龍為叅將會勦

乙丑 上謁陵奉 兩宮行潞王送于德勝門宿葦華城

丙寅駕早發駐感恩城

丁卯詣長陵永陵獻陵景陵其長陵永陵以兩宮同往

江南泰州寶應雨雹如雞卵殺飛鳥殆盡

戊辰免宛平大興昌平田租

上請昭陵裕陵茂陵泰陵康陵其昭陵以兩宮往所擇壽宮

祥子嶺陽翠嶺潭峪嶺草窪東山聖蹟山以次及之

庚午發感恩殿詣 景皇帝陵禮畢駐大功德寺行宮


夜流星出文昌北行有三小星隨之

辛未還宮

壬申徐文壁等奏祥子嶺最吉 上諭禮工二部再擇

丙子御皇極門受朝賀

通政使左叅議梁子琦言張邦垣不諳地理臣另擇地二曰



皇山寺西嶺曰團山曰珠窩圈命子琦同禮工二部同往

丁丑復南兵部右侍郎

前巡撫河南毛綱降浙江布政使右叅議

戊寅南兵部右侍郎魏學曾為右都御史兼戶部右侍郎總

督倉場巡撫浙江兵部右侍郎張佳胤為兵部左侍郎兼右

僉都御史

分守洮岷副總兵官李的為征西將軍都督同知總兵官鎮

守寧夏

改鎮守薊州等處總兵關防先有總理練兵官也

楚王華奎奏西安州海刺都牧地已歸朝廷乞賜勅許之

己卯革南京錦衣等衛巡倉御史併于鳳陽巡倉

前少師大學士徐階卒江南華亭人嘉靖癸未進士授編脩

議易文廟木主執不可謫延平推官遷黃州同知未任擢浙


江提學僉事江西副使召拜洗馬擢祭酒禮部右侍郎進禮

部尚書直無逸殿撰青詞加太子太保請封虜加少保兼文

淵閣大學士歷少傅更十八年考滿進太師致仕高拱脩却

于階三子皆被繫拱罷事稍解階事上恭謹或有所諉通

夕不寐能以寬大當上意優假言路人得舒其意士大



夫多稱之好講學思過不替年八十一贈太師謚文貞廕尚
寶司丞予祭塋

馮時可曰文貞早貴譽望不過凡庸值相高既敗天下厭
政之濁亂稍自振濯與之更始嚮其德者曰以歸德厥遭
亦幸矣方世廟操下如未濕當諸臣皆以不合被罰事
而獨公終始無瑕疵然失于穆宗卒中多口新鄭秉政
几罹大禍豈始以削觚而終能正柄乎雖然黃臺之詠蒼
梧之幸卒中止者以公推至誠犯顏色若登極二詔傳會
善意宿儒達士無以加矣卒獲忠貞之報宜哉


辛巳南大理寺卿王緝為南戶部右侍郎總督糧儲提督鴈
門等關右副都御史李應乾為南兵部右侍郎巡撫陝西蕭
廩為右副都御史巡撫浙江

錄浙江定變功加張佳胤右都御史仍管兵部左侍郎事按
察副使徐汝陽顧養謙各陞俸一級

三月甲申山西山東左布政使侯于趙李汶為右僉都御史巡

撫山西陝西

大理寺以游守禮馮昕等獄上命追奪張君正贈官子錦衣
衛指揮簡脩除名大學士潘晟冠帶閑住游守禮論死馮昕



胡守元遣戍

乙酉侍講于慎行張一桂纂脩會典右庶子兼侍讀王家屏署左春坊印右諭德兼侍讀沈一貫署司經局洗馬印

行取科道命舉貢知推選四分之一

戶部員外郎李三才言輔臣子不宜登第魏允貞言是忤旨謫三才東昌府推官允貞許州判官

癸巳故代府永慶王魯缸謚懿簡韓府南德王融燿謚康惠華陽王承燭謚莊靖

鑄魯府寧德王壽鉞泰興王壽鏞德府清平王常濂印

西河王府輔國將軍新墀新环以謀奪嫡叔廢為庶人

甲子四川總兵官郭成免以永寧沙卜事被論

江西左布政使吳善為應天府尹


免延安慶陽平涼逋賊仍發三萬金賑之

丁酉策貢士李庭機等三百四十一人于皇極殿賜朱國祚等進士出身有差

復南各部右侍郎太常寺卿懷隆兵備道

狼山副總兵沈思賢學為署都督同知總兵官鎮守四川

給潞王庄田二千頃食益千引



兩淮巡鹽御史任養心言四事革私稅草牙行禁私販浚運部河覆從之

乙巳復四川長武縣舊宜祿鎮有同知駐札裁

禮部尚書徐學謨以張邦垣山陵六圖梁子琦八圖上各容

覆閱

丁未太子太保兵部尚書吳克屢被論致仕

揚州高家堰河工成

己酉渾淪馬邑地震命賑山西三萬金

四月癸丑重刊古文真寶其書合御撰民謠三百十七篇

閣臣上昭仁殿弘德殿二箴

戶部尚書張學顏為兵部尚書

甲寅定國公徐文壁大學士張四維同司禮太監張宏覆閱

山陵

戊午陝西研陽等縣雨雹鳳翔地震

大學士張四維憂去四維知王篆輩推申時行意不自安時

行偶寒疾踰月四維語時行之客曰夫首相若四時之禪代


有春行必有夏何俟煎迫耶時行大恐四維已嗾言官具草

先攻禮部尚書徐學謨學謨斥因攻時行奏將上以父喪去

國權

萬曆十一年

七



重賂太監張鯨張誠諸用事者流言曰時行故黨張君正今復得其金寶萬計為厄之上頗心動徐察其無他乃安

設遷曰蒲州之進由江陵及代柄務傾江陵以自見盡反其所為所裁冗官稅政一切復之博悖大之名陰行排擠吳縣尚踵其故智使紀綱陵遲侵漁日恣吏貪而民玩將惰而兵驕國儲蕩然基無窮之禍彼蒲州者誠江陵之罪人也

工料都給事中王敬民請省陶器時承運庫太監孔成言陶器如奕局屏瓘筆管金爐等盒至二萬各器至四千確至五

千共九萬六千有奇

已未吏部左侍郎許國為禮部尚書兼東閣大學士申時行請赦卜即日主命

御史江東之論駙馬都尉侯拱辰子一誠占產命究之

庚申置皇庄即清河馮邦謙南城馮祐遺產也

鞏昌秦州地震

工部尚書楊魏改戶部


勅旌周王在鉞益王翊劄孝友

虜犯細河及閔門

國權

萬曆十一年

十五



癸亥直隸巡按御史蔡夢說劾前軍都督府西寧侯宋世恩
侵占民田罷其任

己卯編脩盛訥為侍讀

庚辰前江西左叅議李選辨聯姻游七事 上以察處違例

削籍

移浙江監免主事于湖州

南御史孫維城論刑部右侍郎胡櫛前操江時屬太平府同
知龍宗武殺宣城諸生吳仕期以媚張居正命下所司居正
奪情仕期間之欲上居正書徧告于人未行而狂生王制偽

為都御史海瑞疏排居正疏刊布之櫛下仕期獄令脅招脩

撰沈懋學所授龍宗武頗為懋學辨得不累而仕期竟瘦死

獄中


前南吏部尚書趙錦起原官吏部右侍郎張士佩為左侍郎
禮部右侍郎沈鯉改吏

辛巳虜把漢台吉出獵墜馬死子朝木台吉襲昭勇將軍

瞿九思曰天道無親嘗與善人若把漢台吉首款塞後至

擁精騎于塞上秋毫無所利可謂善人非與卒之身死未

一戰而杜力克革卒然有其妻此豈無天道之極哉又闌



把漢孫之子幼胡中每言及輒涕泣此必有以感之者也
鄖均襄陽穀城光化宜城鍾祥景陵潛江沔陽荊門漢川等
俱大水

命廠衛緝事如勅旨行
是月官軍敗莽應禮斬六百四十五級

五月壬午朔禁外官溢罰

丁亥巡按陝西御史陳薦議捕盜條格下刑部、覆萬歷二
年條格著為令

己丑示閣臣百子圖俾賦詩

鄧遠侯鄧世棟署南前軍都督府事

刑部右侍郎胡櫛廣西布政使左叅議龍宗武免尋吳任期
婦貢氏訴冤櫛永成貴州宗武永成廣東雷州


庚寅以故侍郎洪朝選婦朱氏訴冤左副都御史勞堪免

設選曰洪侍郎勘遼王憲燭頗多鍛鍊屋其社及身死牢
戶謂勞堪為江陵釋憾意雖有之而遼王死侍郎死孰重

孰輕天道亦未誣也

辛卯裁福建汀州捕盜通判

壬辰祭酒高啟愚為禮部右侍郎



巡撫廣西右兼都御史吳文華為刑部右侍郎

戊申選庶吉士李道統

已酉提督京城內外巡捕都督僉事趙應璧為鎮朔將軍總
兵官鎮守宣府

山西寧武關兵器脅餉

六月辛亥朔棗強王府輔國將軍克烜以稔惡敗倫賜死

壬子起吳中行右春坊右中允兼編修趙用賢左春坊左贊

善兼簡討

虜犯大靖等堡及黑谷關峰台寨蓋黑石炭忽敗復萬騎入

寇副總兵曹蓋逐卻之捕斬大相當

宣府分巡道議春秋駐赤城冬夏回鎮 上以原任赤城撫
按遮飾切責之

鎮守保定總兵官都督僉事田福提督京城內外巡捕


甲寅夜流星自房宿南行至近濁尾跡燁散

乙卯薊鎮中路副總兵張爵署都督僉事總兵官鎮守保定

已未吏部左侍郎陳經邦禮部左侍郎周子義教習庶吉士

免貴州逋稅

丙辰順義王婁大嬖只率所部六百餘人犯古北口塞外掠



我馬百七十餘匹殺夜丁十一人執我兵十一人事聞游擊

戚金提調陳泰奪秩

巡按宣大陳性學劾大學士許國哀劣不字輿論國引疾

庚申免山東沂滕等衛所屯糧一萬二千三百七十餘金

夜月犯房宿

辛酉南太常寺卿袁洪愈為南工部右侍郎

錄遼東先年曹子谷海城寨功

甲子南太僕寺卿張孟男為南太常寺卿

乙丑賑鄖陽襄陽承天漢陽

丙寅勅旌韓王朗錡孝行

丁卯以古北口失事議罰兵備副使張崇謙摠文陳文治

戊辰光祿少卿周繼為南太常少卿

庚午四川按察僉事艾穆為光祿少卿

命各撫按覈積穀寔數毋虛費

辛未河南獲嘉等縣飢撫按先賑以聞上切責之非後非

大飢極遠者報上賑之


賑河南陽武等縣

南京內守備太監張廷于孝陵寢殿擅繫內官李濬被論

國權

萬曆十一年

九



除名

甲戌謚益陽王憲楠莊懿

丁丑起趙世卿禮部郎中不為例

命五軍營三千人採蘆葦供燒造

夜太白犯熒惑

七月辛巳虜犯大寧堡殺守備端世武

吏部尚書嚴清致仕楊魏為吏部尚書

左都御史陳玠免

甲申司禮監太監田玉調內官監提督太和山兼分守湖廣


行都司給符驗關防印兵科都給事中張鼎思言宣德時始命左監丞亦止提督自成化未兼分守按祖制提督本山原非內臣內臣提督原非分守乞收成命專命專委提督禮部遂鑄印御史蔡時鼎又爭之不聽申時行言先年柳朝譚彥勅稿止提督本山事務今兼分守已撰上昨諭攷先年王佐呂祥勅王佐稿佚呂祥稿果與柳朝不同柳朝在隆慶元年令諭增分守事權有會同撫治都御史督令軍衛有司量調官軍民決等項云

設遷曰江陵為刻削其所裁置寧無一當者而必欲盡反

國權

萬曆十一年

辛




之若窮奇檮杌之不可一日安嗚呼人各行其臆未嘗酌
事之平也

乙酉命戶部浙江江西福建山東山西河東四川陝西雲南
貴州等司禮部儀制祠祭主客等司兵部武選職方等司各
復主事一車駕司添設主事一刑部浙江江西廣東廣西河
南山西四川雲南貴州等司各復主事一工部營繕司復設
重城負外郎一屯田司復設臺基廠主事一通政使復左通
政大理寺復左評事一太常寺復博士一典簿一協律郎一
贊禮郎三司樂七順天府復管軍匠通判一先祿寺復典簿

一大官署丞一監事一太僕寺復西路少卿一寺丞一尚寶
司復司丞一上林苑復蕃育署良牧署各錄事一戶部禮兵
刑科各復給事中一行人司復右司副行人五中書舍人科
復舍人二詹事府復錄事一

丙戌復南戶部湖廣江西司員外一山西雲南司禮部儀制
祠祭司刑部浙江湖廣西司主事各一工部營繕負外一
虞衡主事一通政使右叅議一大理右寺丞一左評事一太
常寺贊禮郎一山川壇祠祭署奉祀一鴻臚鳴贊一序班二
應天府管馬通判一




丁亥應天府城丞董堯封為右僉都御史巡撫甘肅

北虜黃台吉嗣封成加總督鄭洛兵部尚書兼右僉都御史
該遷曰江陵時吳兑出鎮薊遼待其平速把亥始進尚書
所以勸功也虜王嗣爵亦恒事耳督臣何功之有資以金
幣足矣吳縣不惜名器類如此

戊子戶科都給事中蕭彥等上五事曰積穀州縣積穀制也
郡積穀非制也撫按贖罰解京者亡論其二分備賑與司道
贖罰并付有付通筭可也曰商稅河西務至張家灣百里之
內轄者三官一貨之來權者數稅夫舡料舊也條舡非舊也

出店入店皆稅非舊也淮安四稅理無重複均可罷也曰催
科今錢糧完不及九分任催又宿負帶徵是一年完十分以
上也如九分之議則不得復筭帶徵曰鹽法河南水患鹽花
不生澆洒日出則鹽糧日薄今陝西苑馬二池亦河東所轄
鹽積若邱山試舉而轉移之令商人納銀河東支鹽陝西之
二池三年之後不為例可也曰邊儲榆林四望不毛災荒日
甚宜借用客本建廩則收寧夏餘糧東則收興臨保德餘糧
以待不時之乏戶部覆從之

己丑復山東督糧道叅政一光州管馬兼捕盜判官一臨清




兵備改兵巡東昌道曹濮兵備改分巡兗州道沂州濟寧改
二道併焉又復山西屯糧道右叅政一太原府收益同知一
監收同知一徐州管糧判官一沁州巡捕判官一
予故光祿寺卿裴天祐祭塋
庚寅科道會舉京官三品外官方岳以下汪文輝岳相陳有
年王鑑等三十九人宜昭雪用之下吏部酌議
命勇士四衛二營馬仍太僕寺印烙
賜靖江王任昌墳價以不與郡王同也
辛卯夜月犯建星

予故工部左侍郎陳一松巡撫延綏都御史宋守約祭葬
壬辰旌魯王順坦仁孝

乙未屬夷小阿卜聲犯黑谷關總督周詠巡撫翟繡裳言堵
截功巡按御史李植言歷邊見燒香寨殘毀殘寨敗堡言堵
截者謾也遂下屯田御史江東之會勘

左軍都督府僉事黃應甲以貪怯論免
戊戌山西提兵官王國勛為左軍都督府僉書

巡按直隸御史徐鳴鶴條陳邊務曰議貢市以圖永安寔邊
城以固疆圉歸原銜以固防禦買營馬以備戰兵處屬夷以



杜後患脩民堡以防虜患酌清勾以需寔用寬脩土以息軍
力部覆降夷開糧後將無措清勾之法乃係定制餘如議
庚子南吏部尚書趙錦為左都御史南兵部尚書王遴為戶
部尚書命申時行同定國公徐文壁太監張寵覆閱壽宮
辛丑太白晝見 徐文煇嗣永康侯
神機營右副將都督僉事李如松為總兵官鎮守山西
禮科左給事中牛維炳陝西道御史赫瀛等言元年六年收
闔者六千餘人本年二月奉旨驅逐今復二千人皆昔所驅
逐也章下所司

壬寅諭禮部朕九月往天壽山秋祭

卯癸夜月犯井宿

移金州治于城南三里避水也

甲辰南工部尚書畢鏘戶部尚書劉堯誨改南吏兵部


免四川鹽井塌毀者課九千五百餘金

計蘇常松江本年應免白糧一萬六百餘石而白糧系正供

撫按奏免漕糧報可

丙午 上命甘肅行太僕寺卿仍兼甘肅按察僉事駐札鎮

城總理屯田鄉兵兼轄甘肅涼肅等馬政并通鎮駟傳不設



改陝西按察副使駐札莊浪整飭兵備兼理莊浪西寧二道
馬政

丁未刑部左侍郎劉一儒為南工部尚書

賑遼東臨洮甘肅平涼蘭州四川鞏昌等處飢民命發帑金
三萬

浙江江西旱

兵部言南京額軍十二萬今見在三萬四千二百有奇宜行
南部接後湖老冊逐一勾補從之

八月庚戌朔永平大雨水

工部右侍郎熊汝達為刑部左侍郎

解池旱涸無鹽商引積九十餘萬運司額鹽六十二萬歲撥
十萬引補派各商

夜石門路臺杆上有火光


辛亥復福建督糧右叅政一分守福寧道叅政仍駐興化兼
管福泉海道副移省城

復山西大同兵備副使一駐左衛北西中威遠三路整飭邊
備分守道仍駐札朔州其大同南路通判駐札平虜城

國權

萬歷十一年

二十五



工科給事中唐堯欽言馭吏之要在辨真才擇大吏省繁文
上是之

壬子禮部右侍郎高啟愚祭酒羅萬化直經筵編脩王懋德
馮琦展書檢討張應元編纂六曹章奏

前大理寺左少卿邱櫟為通政使右通政

改陝西金州曰興安州

庚午命徐文璧申時行太監張宏同禮工二部堂上官覆擇

壽宮


辛未夜月犯井宿

癸酉徐文璧等擇地二形龍山大峪山以圖上

甲戌通政使右叅議梁子琦以徐文璧等覆閱不列名因劾
禮部尚書徐學謨申行時姻黨形龍大峪並非吉地時行學
謨各疏辨以子琦擇石門溝山坐南向北而偏近黃山嶺在
獻裕二陵間位次非宜上奪子琦俸三月

南右副都御史劉思問為南戶部尚書左僉都御史褚鈇為
大理寺卿河南道御史傅應禎為南大理寺右寺丞

丁丑勅武清伯李偉太子少保刑部尚書潘季馴居守右都
御史攝兵部左侍郎張佳胤為兵部尚書協理戎政太僕寺



卿石星為左僉都御史

真人張國祥族黨偽造勅寶下臺訊國祥自以勅印來京求
辭印兵科都給事中張鼎思摘之命還山

戊寅廣東按察僉事王用汲為尚寶司卿

是月雲南耿馬酋罕度度助莽應禮出兵查理江官兵敗之
不克渡

有虎自福州走延平尤溪沙縣啣人無數

九月己卯朔賜申時行金五十斗牛衣一襲以閱壽宮也

庚辰虜犯山海關


壬午雲南道試御史羊可立言張君正占故遠鄙田土下撫
按之

戶科都給事中蕭彥等上言京運則例歲帶徵二分見年完
八分即免叅罰今部覆巡撫浙江張佳胤所請有司苦于降
罰百姓苦于誅求其勢不能取盈將上下相蒙矣 上命如
近例行

癸未浙江左布政使舒應龍為太僕寺卿

復陝西督糧左叅政一平涼監收通判同州判官各一

追論劉臺獄前左都御史王宗載戍邊推官陳紳國子博士



劉伯潮削籍前巡按遼東于應昌分守叅政張崇功副使周于德調用謝燿論死

甲申 上同兩宮謁陵宿鞏華城

乙酉早發午御感恩殿勞京軍防戍人各三錢

丙戌祭長陵永陵昭陵餘遣代

丁亥 上閱形龍大峪諸山諭群臣以大峪吉初梁子琦謂係先帝陵麓勢斜而走力爭其不可禮部尚書徐學謨以繕費不贖上意所向即為吉地何必改作申時行主其議朝臣翕附吏科都給事中齊世臣夜讀雪心賦備廷辨御史柯

挺蹠 上前大言曰若大峪穴下有石臣敢以身當之時稱

世臣保山挺為石敢當云

戊子 上幸東山傳問閣臣東山口邊牆何尚未築也對以

工部尚書楊兆謂此口通黃花鎮自有邊牆山口敵臺可守

故不多及

免大興宛平昌平田租

己丑 上還宮


甲午御皇極門受賀

設遷曰嘉善錢相國曰天啟中尚書姚思仁脩築予聞之

國權

萬歷十一年

二天



定陵運出朽石無美地氣濕惡不四十年敗腐如此前議聚訟以吳縣遂結舉朝之舌寢而柱維傾裂矣目擊近變能無罪地脉乎

叙河工功工部郎中張譽為太僕少卿添註

復南京中左二都督僉書

賑湖南長沙飢

前大理寺丞賀一桂削籍故巡按江西陳世寶追奪告身以陷劉臺一桂嘗嗾陳紳購其怨家謝耀也

乙未壽宮恩廕張四維四子生進申時行少傅兼太子太傅

吏部尚書建極殿大學士余有丁少保兼太子太保戶部尚書武英殿大學士許國太子太保兼文淵大學士
進定國公徐文壁少保兼太子太保彰武伯楊炳太子太傅禮部尚書徐學謨工部尚書楊兆各太子少保餘有差
太監張宏廕錦衣千戶


丙申禮部右侍郎高啓愚為左侍郎左春坊左庶子朱賡為禮部右侍郎兼仍兼侍讀學士直經筵日講
刑部左侍郎熊汝達為右都御史

復巡閱御史一

國權

萬曆十一年

二十九



傳監生援納先入貨者授光祿寺監事

丁酉總督周詠削籍以勘劉臺贓誣捏也

前吏部左侍郎王篆削籍工科給事中王三毓劾其引黨王宗載等陷害忠良也

己亥南工科給事中馮景隆等論李成梁冒功宜奪封兵部覆李成梁臨陣斬首五百六十級何可偽也遂謫景隆薊州判官吏科給事中鄒元標疏救不聽

庚子協督京營戎政兵部尚書張佳胤兼右副都御史總督薊遼

右春坊右庶子兼侍讀王家屏侍讀徐顯卿主武試

壬寅右春坊右庶子兼侍讀王家屏為詹事府少詹兼侍讀


學士
南戶部尚書劉思問致仕

癸卯左副都御史陰武卿為兵部右侍郎南大理寺卿舒化為刑部右侍郎

復淮安府治河同知

東西二虜犯前屯衛

乙巳總督宣大兵部尚書鄭洛協理戎政巡撫四川孫光裕



為南大理寺卿時。上詰閣臣曰洛在塞上甚善何京營為
光裕任淺何驟也申時行曰洛鎮邊九年光裕先撫應天三
年蜀一年資俸宜及。上然之諭今後惟其人不拘資俸
丁未復寧夏屯田都司一

戊申江南副總兵張漢為署都督僉事鎮守貴州兼提督清
平等衛提兵官

十月己酉朔太子少保禮部尚書徐學謨罷吏科給事中鄒元
標劾^之并及南戶部尚書張士佩去年一撫臣耳未几吏部侍
郎未几尚書于是命士佩以吏部左侍郎致仕

庚戌南兵部右侍郎辛應乾為兵部左侍郎協理戎政光祿
寺卿雒遵為右僉都御史巡撫四川

御史孫繼先曾乾亨各劾兵部尚書張學顏撫遠時嫉巡按
劉臺誣揭其贓居張居正營入本兵右李成梁而左言官
上以黨馮景隆各謫外


亥辛右春坊右諭德兼侍講沈一貫為左春坊左庶子洗馬
署司業范應期為右春坊右庶子並兼侍讀侍講于慎行為
左諭德仍兼侍講

命武舉定額百人

國權

萬曆十一年

三十一



癸丑前工部右侍郎陸光祖為南兵部右侍郎左通政邱樞
為左副都御史南光祿寺卿沈人紳為內光祿寺卿
甲寅浙江按察兵備副使顧養謙調薊州兵備道
乙卯西虜哈不慎北虜大委正等大舉寇前屯至山海關中
前所高嶺駟薊遼二鎮兵卻之

戊午許士魯番速壇馬黑麻虎答遍還明年入貢


壬申南戶部右侍郎王緝被劾閑住

科道各舉邊才章下吏部

甲戌總督陝西三邊兵部尚書石茂華卒字君采山東益都

人嘉靖甲辰進士弱冠知濬縣進戶部主事忤仇鸞有聲出
知揚州禦倭遷山西按察副使憂去起補河南遷陝西叅政
進接察使再閱月拜右僉都御史巡撫甘肅改山西入為兵
部左右侍郎進右都御史兼兵部左侍郎總督陝西三邊靖
逆羗堅貢市進兵部尚書亡何起南右都御史論去復起督
三邊砥節礪行積勞嘔血年六十有二贈太子少保謚恭襄
予祭葬

乙亥忻城伯趙參脩為南左軍都督府僉書安遠侯柳震為
南中軍都督府僉書



張湖廣寧鄉等二十七州縣

丁丑太子賓客吏部左侍郎陳經邦為吏部尚書吏部右侍

郎沈鯉轉左直經筵日講

南兵部右侍郎陸光祖為吏部右侍郎

戊寅楊文舉張希臯伍可受孫世楨為給事中可受世楨並

南京張文耀譚耀楊東野陳遇文張允文徐申李植葉承遇

王制潘維岳為試御史維岳南京

巡撫廣西劉良弼致仕

十一月己卯朔午刻日食

總督督場右副都御史兼戶部右侍郎魏學曾為南京戶部

尚書

辛巳南右通政喬因阜以科臣陳燁論其提學浙江時沙汰

過嚴得太常少卿也遂調外

壬子禮部右侍郎周子改義為吏部署詹事府事仍教習庶

吉士

癸未復世延誠意伯南都督府


錄國初花雲子孫兵科給事中王亮言劉基花雲功也

甲申南右都御史熊汝達以戶科給事中徐三畏論其前督

國權

萬曆十一年

三十三



昭陵工損陷命閑住

免延綏、德榆林三衛屯租五萬四千七百二十八石

總督宣大兵部尚書鄭洛上七事審夷情議貢市明撫賞計

士馬屬征操裁猾首治叛夷哈不處夷犯慎招納酌工役章

下所司

戊子御史楊四知上成祖仁宗宣宗三朝聖諭錄李東陽輯孝

宗燕對錄李時輯世宗召對錄命留覽其對錄亦都也

己丑懷仁王府奉國將軍聰潛等六人年皆六十餘詣闕訴

自嘉靖四十年後未支祿救死無策上聞之命即補給

庚寅北虜順義王黃台吉表貢馬

總督王象乾請勦屬夷長昂等許之

辛卯通政使右叅議梁子琦降右叅政閑住

壬辰南鴻臚寺卿方九功為右南通政


禮科給事中王士性劾應天巡撫郭思極先御史時監楚試

私張懋脩又斃何心隱吏部覆巡撫有善政上不問

安定德勝門外訛言避虜

癸巳戶部右侍郎王廷瞻為左侍郎總督倉場保定巡撫宋

纁為南戶部右侍郎總督糧儲應天府尹吳善為右副都御



史巡撫廣西


順天巡撫翟繡裳劾免

丁酉兵科給事中黃道瞻請罷張學顏及廣西總兵官戚繼光吳胡守仁宜互易李成梁父子不宜各鎮重地上以輕妄謫之

南京陝西道御史孟一脈上六事曰保聖躬言御用宮女必于選取非節宣之道曰正人心言士重始進宜勅各提學先品格而後才華曰厚生育令牧民官悉心撫字使不流移以墾田多寡為殿最曰禁淫巧言浮梁之磁珠翠之寶龍床之設寶頂之增造元夕燈端陽五毒吉服等物華靡一起則倣效莫止曰整戎兵上以兩宮織造孟一脈輕瀆調外今後言官建白毋浮詞據拾舊事賣直沽名

己亥夜流星色赤自胄宿西南行有聲如雷二小星隨之辛丑總督兩廣郭應聘改南右都御史撫治鄖陽右副都御史張國彥為整飭薊鎮邊備兼巡撫順天大理左少卿李已為右僉都御史巡撫保定

開原叅將李如楠免初屬夷宰賽挾賞殺脩禦熊鑰草其賞已復之昨秋八月以六百餘騎掠慶雲堡




壬寅諭兵部以緬甸賊熾命沐昌祚劉世曾僉力為戰守計
初莽應禮架藤橋江渡屯猛皮嶺直入攀枝花樹鄧子龍伏
兵迎之遣兵繞賊後焚橋斷歸路邀斬頭目二十餘級賊敗
走踰甸罕虔詐降佯許之已擁眾屯温盧巡撫劉世曾黔國
公沐昌祚移鎮大理令右布政使徐元氣駐永昌督餉巡按
御史崔廷試監軍我兵突闕下擒罕虔及其弟罕招對招託
賊遁追至灣甸俘斬五百餘并擒罕虔子招罕招色等岳鳳
勢迫併遣妻子來獻所掠金牌勅書世曾意其詐謂攻維摩
知州何鈺與鳳善令往說之命劉綬潛進麓川伺隙又別招

益密絕其寄徑鈺說鳳禍福復遣妻刁氏幼子襄啟來而綬
襲隴川之寨鳳遂降因盡下諸夷

廣東左布政使王元敬為應天府尹福建按察僉事趙參魯
為光祿寺少卿

甲辰前總督陝西三邊軍務右都御史兼兵部左侍郎邵光
先仍總督陝西刑部左侍郎吳文華為右副都御史兼兵部
右侍郎總督兩廣兼巡撫廣東南太僕寺卿毛綱為右副都
御史撫治鄖陽

乙巳晉府方山王府輔國中尉慎鏡擅婚奪祿三之一離婚



另選

丁未提督四夷館太常少卿蕭崇業為太僕寺卿

戊午復大同威遠叅將

十二月己酉朔 上偶疾免朝講三日

徵太倉十萬金光祿寺五萬金閣臣力言之不聽專徵光祿寺十萬

總督漕運兼巡撫盧鳳戶部右侍郎兼右僉都御史傅希摯

回部

遲加奴仰加奴糾大虜去攻猛骨孛羅謀犯開原遼瀋傷備

禦霍九臯宿振武李成梁擊斬二奴共斬三百十一級李成

梁聞礮馳新寨又伏兵塞上邀斬一千二百五十餘級獲馬

一千七十二匹餘物亡美

庚戌巡撫山東陸樹德致仕

癸丑前巡撫浙江李世達總督漕運李輔為右副都御史巡

撫山東

西番以七千餘人自八盤嶺入黃羊川通行火落赤阿赤鬼


等又率兵迎佛于此巡撫以聞

乙卯禮科都給事中萬象春言往河南山西陝西各藩會議

國權

萬歷十一年

三七



大約願以見祿通用日後子孫不論衆寡取給焉禮部言議
止河南山陝其山東湖廣江西廣西四川尚未議仍趣各撫
接題奏


脩山海關城

兵科都給事中張鼎思等言莽應禮父子蚕食土夷諸土司
為彼嚮導守臣養寇遣使偵探附以重幣是我先求于賊也
竹葉書中原無頓首之文而遽議行賞竟為所卻而又詭稱
獻物欺罔何辭初河南巡撫饒仁侃巡按劉維楨招莽瑞體
令騰越州官往兵備副使胡心得恐出木邦罕拔詐討乃密

遣通事募小坑等五人携幣帛鞍馬入緬甸偵之為罕拔道
執拔遂以人文逆之探書小坑等至即罄所携物自餽瑞體
得遣歸附以繒段錦布語狂悖在竹葉書中無降意求貢之
文自至各請易置宣撫窺騰越之文繼之矣鼎思疏上劉維
胡心得削籍巡撫饒仁侃冠帶閑住黔國公沐昌祚令策勵
自贖

庚午夜慈寧宮火

御史楊四知言足民莫若勸農宜禁屠牛章下都察院都人
多宰牛馬為業聚闕不果行



賑 商水等州縣飢

辛未前祭酒姜寶為太常寺少卿提督四夷館

南兵部尚書劉堯誨致仕

予故通政使吳三樂祭葬

建江南丹徒大犢山丹陽黃泥埧二閘

壬申賜樂安王多燝書院曰樂文

癸酉南禮部尚書楊成致仕

甲戌諭內閣贈李偉國公申時行言 世宗皇帝釐正封典
未有贈公者若聖意從厚宜加贈太傅不聽贈安國公謚莊

簡祭十六壇加六壇

前禮部右侍郎署祭酒孫應鱉為刑部右侍郎應天府尹王

元敬為右副都御史巡撫應天

丙子秦王誼溼臣言祖宣王第四子輔國中尉敬勳并父靖

王兩弟奉國中尉誼涉誼漣乞各封郡王靖王女封郡主部

覆違例不許

後軍都督府僉書都督僉事王化熙為提兵官鎮守浙江


盡蠲陝西臨洮鞏昌延安八年九年帶徵銀

是月西虜十餘萬犯遼東入十方寺堡六日始出官軍擊斬

國權

萬曆十一年

三九



四十八級

Faint vertical text, likely bleed-through from the reverse side of the page.

國權

監官設遷孺木著

萬歷十二年甲申

正月庚辰禁諸宗室陳乞

蠲淮揚八年以上牲口銀

辛巳諭百官脩省前 慈寧宮火也

御史丁此召言五事慎舉動弘聽納正典刑去倖位訓近侍

內言宜撤蠶山之燈止壽宮之閱停磁器之製節織造之工


錄建臣貶竄諸臣如趙用賢等誅朋奸游七徐爵等 上謂

國權

萬歷十二年

一

國家圖書館, NATIONAL CENTRAL LIBRARY, TAIWAN, R.O.C.



馮保事已處分餘下所司

內監傳元夕兩宮鰲山等燈禮科給事中王士性言災異不宜復恣宴樂 上納之

常前太常少卿陳三謨御史曾士楚削籍浙江道御史張文耀論其保留也

前禮部尚書萬士和為南禮部尚書不赴

乙酉南右都御史郭應聘為南兵部尚書前應天府尹王世貞起為原官

已丑復湖廣總兵官

兩廣總督郭應聘以安南與下當歸順等州峒地界乞遣官會勘或歸安南或立石分界庶杜爭端從之

雲南府地震

丙申 上偶不豫

免先是西虜着力兔等糾海西虜以八千騎掠西寧番族突入邊殺掠下西寧叅將王國柱于臺訊兵部副使張登雲奪俸五月


太僕寺卿舒應龍為南禮部右侍郎

議復漢陽南陽漢中等道

國權

萬曆十二年

二



許安國都統使莫茂洽入貢

辛丑免江南四司料價及黃白麻魚課等十之三

錄遼東功進張佳胤太子少保廕錦衣衛百戶李松兵部右

侍郎廕錦衣百戶

甲辰少詹事兼侍讀學士王家屏教習庶吉士

武定侯郭大誠署前軍都督府事

吏科給事中鄒元標降南刑部照磨初 慈寧宮火元標言

六事保聖躬正人心開言路諭百官節財用拔幽滯 上責

其狂遂被謫蓋申時行脩學謨之郤也

湖廣道御史范雋削籍雋上十事奉天道防人敬信詔令定

章奏廣儉德專事權惜人才養士氣斥巧宦清武職其奉天

道略曰春秋春王正月之文一念一事稍不正即無以合天

心而順天則故講正學近正論習正事始仰答天心其防人

欲曰禹惡旨酒湯不邇色豈好惡與人殊哉深見夫縱欲之

害不得不遠絕之耳 上以妄瀆遂削籍

范應期為祭酒


乙巳喜峰路大風雨

順天府丞袁三接為大僕寺卿

國權

萬曆十二年

三



左副都御史邱樾上言積弊曰考績曰請託曰訪察曰舉劾
曰提問曰資格曰處佐貳教職曰餽遺 上命即行之
前都察院檢校洪競訟父朝選之寃

二月己酉無逸殿災

兵部覆勘勦雲南莽應禮功官兵擒斬二百餘級巡撫劉世
曾進右副都御史沐昌祚等陞賞有差

左春坊左庶子兼侍讀沈一貫為少詹事兼侍讀學士署翰
林院侍讀學士徐顯卿為左春坊左諭德右春坊右中署司
業張位為洗馬侍讀韓世能張一桂李長春並為右諭德兼

侍講脩撰陳于陞為洗馬兼脩撰

泰寧侯陳良弼為左軍都督府僉書

辛亥薊鎮墻子嶺路大風雪旗端有火光

癸丑王弘誨王世貞孫光祐為南吏刑工部右侍郎


復福建龍溪縣孔子家廟

議設真定府車營

丙辰諭脩慈寧宮

吳中行為洗馬署司業仍經筵日講

甲寅摠督宣大鄭洛陳天下大計章下所司



甘肅巡撫董堯封議聽民墾荒永不起科從之

丁巳三鎮互市成進張學顏太子少保

辛酉南工部右侍郎孫光祜論罷

河南道御史王光儀論江西巡撫曹大埜諫垣時首附張居

正劾高拱去之未几轉大埜僉楚尋尚寶太僕尋撫江西結

原任雲南副使朱璉父馮保兄游七播紳所不齒有旨大埜

冠帶閑住朱璉削籍

脩孝陵工成

壬戌故吏部尚書李默謚文愍

秦府儀賓周琰計奏秦王誼淫惡章下都察院

予故工部尚書李幼滋祭葬

張孟男為大理寺卿黃鳳翔為南祭酒

甲子御史王國薦侍郎王一鶚等邊才宜備任使又尚書陸

樹聲侍郎胡執禮巡撫耿定向海瑞按察使胡直苑馬寺卿

顏鯨吏部主魏允貞宜擢用章下吏部

陝西莊浪番人馮爾等八族因虜酋仇殺求內附納馬易茶


許之

乙丑予故戶部右侍郎黃養蒙祭葬

國權

萬曆十二年

五



顧章志為應天府尹姜寶為南太僕寺卿

丙寅議侵欺錢糧酌邊腹及贖多寡論罪

丁卯京師地震有聲

御史李載陽論南尚寶司卿林應訓原任南京御史時媚張

居正等通賂命削籍

王友賢為南工部右侍郎賈待問為南光祿寺卿

己巳御史屠叔方言革除殉難諸臣寔 太祖所培養蒙我

皇上恤錄久矣但褒表忠魂尚屬未盡其交游姻黨至今遠

戍恐九重之恩一日未推則諸臣之日一日未瞑也果臣言

不謬乞該部通行省直令有司軍衛備查外親在戍者並宥

還鄉願留者聽之如絕戶除其籍不得永累里長 上從之

除齊泰黃子澄外其方孝孺等所株累覈免

免浙江所負馬站銀米


庚午南御史沈汝梁議災民有田者免稅糧無田者免丁口

益鈔庶貧富均沾報聞

辛未太常少卿秦燿提督四夷館

于嵩為署都督僉事總兵官鎮守福建

壬申祭酒范應期以御史徐紳劾之問所薦者申時行疏其



絲命致仕

鑄荊州府撫夷同知閔防

癸酉新會王睦榕以貪暴廢為庶人幽高墻初遣給事中萬象春行諸王府限制贍貧宗睦榕曰是齊泰復出矣聚盟宗室千餘人群擊睦榕曰皆爾之謀上書抗詔故罪之

余懋學為南尚寶司卿

丁丑周邦傑孫鑛為太僕太常少卿

三月戊寅朔賜益王翊鈞書院曰遜學

刑科給事中田疇言急務四事慎內批酌律例省詔獄清厥

衛內摘張君正事上謂不合奪俸五月

四月永寧宣撫司子奢崇周受印俟年長襲職川貴巡撫孫

光祐劉庠以奢世統世續二婦爭印仇殺也


己卯尚寶司少卿韓必顯為順天府丞

諭濟邊銀不得那借

辛巳鞏昌府地震

裁廣東潮州守備復設叅將

癸未禮科都給事中萬象春請如先朝例甲科任鴻臚寺卿不許



甲申兵部左侍郎辛自脩左僉都御史石星清理軍職貼黃
孫應鰲為南工部尚書胡執禮為兵部左侍郎署南吏部右
侍郎張位為祭酒

兵科給事中張維新言工部右侍郎劉志伊在楚閩中張懋
倫難膺大任遂劾免

乙酉禮科給事中苗朝陽言四事驅伏奸清輸納申駟禁禁
刁風 上然之

丙戌南司業趙志舉為南右春坊右諭德署翰林院
前太常寺少卿何源復任

戊子英梃嗣江夏王

己丑先是雲南耿馬賊罕虔寇姚關叅將鄧子龍擒之共擒
八十二人斬二百九十六人命誅罕虔孟養孟密木邦三司
俱降附


庚寅前工部尚書曾省吾浙江按察僉事曹一夔劾藉以工
科給事中唐堯欽論省吾同王篆媚張居正而曹一夔藉省
吾結馮保巡鹽長蘆送保不下萬金往四川餽徐爵千金言
之寔汚齒頰

戶部請丈田復豁免虛糧除民累從之

國權

萬曆十二年

八



辛卯左副都御史邱樞為刑部右侍郎大理寺卿褚鈇為工部右侍郎


壬辰貴州有黑物翔于雲中

癸巳左副都御史邱樞請廣搜屈抑之士如給事中魏時亮周世選御史張櫟李復聘吏部郎中胡汝桂又均處邪媚之臣王宗載于應昌同陷劉臺而宗載成應昌止免官勞堪陷洪朝選亦止免官張一鯤錢岱監試中王篆子猶玷班行何耶上納之即命勞堪不必勘與張一鯤錢岱並削籍予故南光祿寺卿鄭欽祭葬

南御史李一陽言南工部尚書劉一儒與張居正兒女姻也高蹈遠引家食十餘年起轉今官引疾乞休浚然不淄安可聽其求退又南光祿少卿王蔚傳作舟先任南給事中黨勢附戚乞斥為氓為黨惡之戒從之

乙未左僉都御史石星為左副都御史太常卿溫純為大理寺卿

丙申南工部尚書孫應鰲右侍郎胡執禮俱劾罷
戊戌御史丁此呂追論張嗣脩敬脩懋脩王之鼎科場丙子房考今兵部員外郎稽應科主試許國庚辰懋脩房考今山




東提學陸檄敬脩房考今河南叅政戴光啟主試申時行余
有丁而侍郎何洛文代嗣脩懋脩對策壬午王之昂主考沈
懋學又已卯南闈試目舜亦以命禹此君正逆萌也時行等
各疏辨命罷何洛文調稽應科陸檄等別用留沈懋學戴光
啟吏部尚書楊巍駁丁此呂深文陷人大辟光朝趙文華王
聯也 上怒謫此呂

已亥諭內諭朕于天下事不可盡知嘗欲咨訪若各項事體
不與聞設內閣何為時御史張文熙劾閣臣于是申時行等
言 祖宗舊制各衙門每月閱領內府精微文簿開寫事件

月終繳內閣年終送六科此二百年例也今考成文簿與精
微文簿相同但詳畧稍異耳若諸司之事全不與聞即 皇
上有問臣等馮何奏對又謂吏兵二部陞除不當一二取裁
各督撫巡按不當密謁請教夫閣臣以平章政事為職而用
人為政之大權故文官自京堂武臣自叅將以上與臣商
量但當問公私不當問知否也 上報曰朕方委卿等大政
各衙門事豈得不預聞乎時行等各疏謝

商為臣正曹一夔以南御史田一麟論其奔走故相之門一
夔削籍免為正



命棋盤屏風減半燒造

沈人种為太常寺卿

前巡撫福建耿定向右僉都御史為左僉都御史

命南京正額防軍舍餘各回營操練毋得仍前占役

庚子初鑄騰黃清軍主事閔防

五軍營右副將都督僉事楊鯉為南左軍都督府僉書

賈三近仍為光祿寺卿

辛丑御史荊州土上吏治六事守令法度當嚴有司實政當

崇刑罰關係當重科派里甲當省差遣人役當禁吏治諂諛

當杜 上允行之

許翊鋸嗣江寧王

壬寅宥革除株戌姻黨除伍一千七百六十二人

陝西會寧縣地震

甲辰前左都御史陳玠卒

乙巳御史馬朝陽言二事慎起居以圖寔效省苛察以培大體從之


丙午太常少卿何源為大理少卿

逮雲南臨江知府錢若膺以巡按御史韓國楨叅其杖斃二

國權

萬曆十二年

十一



百人也


是春虜長禿長昂董狐狸犯遼東三山營備禦祖承訓擊斬
二級已伏太康堡大定堡皆塞外沙地搃兵李成梁追斬百
三十五級所殺皆兀魯孩子部曲
瞿九思曰三覆衛反覆禍由長董豈其然乎界嶺之戰狐
狸身被金瘡山海之割于死塞狐狸能不及長昂遠矣長
禿繫獄月餘自我釋之而旋盟旋叛市何益哉善哉影克
之請殺兀魯夷中華士也前車覆後車戒萬虜不當一荅
萬盟不當一守後有議市塞吏堅塞兩耳可也

四月丁未朔 上享太廟京師風霾

戊申先是禮科給事中王士性御史江東之李植楊四知各
劾各部尚書楊魏附閣臣申時行排丁此呂諤馮景隆孫繼
先曾乾亨等阻塞言路且時行寔黨張居正 上不聽傳諭
時行盡心贊理放高啟愚留此呂獨未及魏于是大學士余
有丁許國為楊魏解 上諭時行即出

戊申南通政司右叅議陳瓚為太常少卿

己酉禮部右侍郎高啟愚削籍己南吏科給事中劉一相劾
其附王篆遂焚啟愚告身初 上自號禹齋啟愚主南闈別



張居正其堂懸舜禹授受圖試日故舜亦以命禹時論遂懸
坐大逆矣

大學申士時行許國並乞休命慰留楊魏又乞休不允

設遷曰言路擊奸自其職而少年銳進負氣褊激必可否

自己出于是磯怒不休矣吳縣當物議沸塘之時未能虛

受角袒相攻于今而始至九卿臺者交口保留天子甚明

聖亦何藉群策此風倡于華亭繼于江陵前未之覩也

庚戌京師風霾大雨雹

辛亥諭留申時行許國各疏謝吏科都給事中齊世臣請留

閣部從之前爭壽宮世臣疏保大峪山吉至是保閣臣時稱

齊保

左都御史趙錦請優慰大臣申飭言官吏部左右侍郎沈鯉

陸光祖戶遼尚書王遴太子太保工部尚書楊兆左右侍郎


褚鈇何起鳴刑部尚書潘季馴左侍郎舒化大理寺卿溫純

兵科給事中張維新山東道御史劉懷恕各奏留閣部摘王

性等朝端聚訟群詰大璫張宏張鯨等求援申時行楊魏士

雖安其席大柄旁落矣

詔曰大臣為群僚表率且人品邪正論定已久何可輒指正



為邪極言誣詆卿等其宣諭諸臣共持公論毋再瀆擾夫朕
優重大臣之體楊魏陸允祖各乞休不允

壬子豁山西陝西新墾荒田起租者

甲寅戶部尚書王遴乞休不允

乙卯初鑄清理貼黃閔防

副總兵陳文治 李尚賢據辨論死

己未吏部右侍郎陸光祖欲都察院甄別江東之楊四知李

植王士性去留以安閣部御史李廷彥疏駁之御史沈時叙

言欲留楊魏必先復丁此呂 上不聽

庚申御馬監奏取騮馬三千匹兵部言會典載豹馬五十匹

並無此例 上不聽

辛酉夜月食

壬戌申飭撫按官懲私揭


癸亥釋輕囚

予故南刑部尚書徐陟祭葬

司業吳中行言輔臣馭歷有年其人之邪正豈能逃聖鑒哉

或因事乞歸或被言投劾去留聽之朝廷何年來輔臣辭位

必群起而留之頌功贊德累積連章其心何心哉保留故相



之遺風何至今在也申時行迹涉獻諛似非臣義丁此呂未
蒙聖怒止令分別被論之人勿忝斥以成皇上之過大臣
多私而不忠上切責之

乙丑申時行以御史張文熙摘其次子用嘉偉中求覆試

上謂其非私不許已覆試陳玠子以德朱璉子 朱除名

以德戊戌成進士

壬申內承庫運行戶部徵零陵有千斤戶部言此香停矣如

果不可已宜半之不允

御史連格議卹邊民乞減常賦十分之二三戶部請分別量

減從之

癸酉起魏時亮南大理右寺丞

朱賡王家屏為禮部左右侍郎

甲戌虜寇錦義官軍禦之斬一百三十餘級


乙亥莽應禮攻陷阿瓦殺蓋密宣慰司思忠進至猛外把總

范斌等敗之尋抵蠻莫又敗于把總楊任

貴陽李樹生逼豈

五月丙子朔御史黃師顏請復丁此呂官直隸巡按御史蔡時

昂亦言之未侵楊魏忤旨並報罷



丁丑李文全嗣武清伯御史房寰等言 世宗定外戚爵及其身子孫不得襲今文全援洪熙以後例非制也吏科都給事中齊世臣言如之並不聽命襲一輩不為例吏科給事中楊文舉又言之奪俸已禮科李以謙工科姚德重疏救不報已卯前山西按察使賀邦泰削籍以中張君正子也
復湖屯鹽道副使

庚辰南禮部郎中習孔教為南司業

辛巳先是太和山守備太監田玉請獨治山毋預分守道命改分守道勅兵科給事中王三餘等爭之不聽至是左都御


史趙錦言太和山止一山幅員八百餘里定界三省間分守叅政不得協行則撫治都御史亦難完詰不幸有劉千斤曹崙等出將責之內臣乎抑責之分守撫治等官乎不報

壬午許真人張國祥三年一觀禮科都給事中萬象春等言左道不當入覲不聽

南刑部右侍郎王世貞予告

甲申作潞王府于衛輝初閣部擬衛州而衛輝次之命就衛州已潞王奏求近地從之

刑部主事董基請停內操本月五日傳制 皇上幸西城開



營較射夫兵凶器也內廷清嚴無故聚三千之衆臣所未解也宜杜意外之變養安靜之福止群小之怨省不經之費忤旨謫萬全都指揮司都事

丙戌少詹事沈一貫教習庶吉士

初浙江温州知府李際寅墨敗擬戍都察院謂犯在赦前宜宥而因公科斂宜徒命削籍于是刑部議贖五百金以上依枉法立遣戍若因公科斂准徒上從之

丁亥命禮部凡各省直鄉試硃卷悉送內簾其墨卷貯外簾以杜私弊

戊子御史劉士忠乞停內操宥董基章下所司

己丑工科給事中張維新請擢鄒元標宥董基命奪俸半年甲午京師地震

吏部尚書楊巍乞休不允

丙申南御史郭宗賢上四事兼名寔嚴公私酌用舍審進退其酌用舍曰舍固貴得其宜用尤不可不慎近來薦賢多因或以他事得罪本宜擯斥而一槩薦起是人直尋枉亦得躡用也 上是之

戊戌前右僉都御史趙鏜卒



已亥雲南猛密安撫司與莽應禮戰命鎮巡官協討

立勲賢祠故新建伯王守仁于杭州

辛丑靖州守備周弘謨乘夜襲叛苗全道等斬四十四人

壬寅准各郡縣糧米暫改折于臨清德州二倉撥補

癸卯逮荊州知府郝如松以太監張誠奏張居正子禮部主事敬脩自經也時紹使拷掠長子懋脩自誣寄曾省吾王篆


傳作舟高志進諸家凡三十餘萬各追併有差已荊州知府

趙賢岳州知府李時漸以屋直估輕並罷

刑部尚書潘季馴乞張居正家暫行放保吏部尚書楊巍等

亦言之有旨令撫按申飭保全申時行等言張居正苛刻專擅自干憲典其八旬老母衣食不周子孫死亡相繼聖心必有惻然不忍者乞保全其母寬其子孫若攀連受害之家威刑妄招展轉搜索則地方騷擾矣有旨以室宅一區田十頃給其母

于慎行曰唐德宗既貶竇叅欲藉其家陸贄諫曰在法及逆者盡沒其財贖汚止徵所犯德宗不聽竟賜叅死而籍沒其家蓋籍沒一法因種族其家然後奴婢貨財皆為官有若其罪未至族則家固亡恙從而籍之不相中矣江陵



之事在廷諸生無引贅語以進者政刑一失其可收乎哉
設遷曰江陵柄國功十而罪一身沒之日怨口方注猶曰
權相之常自此丁呂誣以謀逆禍同赤族更激于遠邨之
事始藉其產謂董氏之郿塢元載之胡椒不是過也諸子
累囚闔門刑辱而貲不貲十萬至流毒三楚蔓延數年以
分宜之報繁于江陵吾知江陵之日不瞑也吳縣因江陵
起家晚加濫罰所謂樹荆棘者蒙其刺耶
甲辰衡府高唐王厚焜曰端裕益府阜平王載堦曰懿簡舒
城王翊銀曰懷莊

都勻府大水

六月丙午朔復廣東糧儲道叅議及廣州府清軍同知

命工部主事王紹先太監崔卿作潞王府

丁未免廣東順德等縣逋賦

四川巡撫羅遵奏採木之苦章下所司

夜有異星出房宿

庚戌南刑部尚書孫植改南工部總督漕運右副都御史李


世達為南兵部右侍郎南太常寺卿姜寶進為南京兵部右

侍郎

國權

萬曆十二年

十九



禮科都給事中萬象春請慎選王官破格遷擢庶親藩輔導
不致夫人命下禮部

辛亥以雲南用兵免田租及一切逋負

壬子故遼王憲燦子術璽奏逆囚楊秀陷王命下張誠逮訊
前貴州巡撫曾同亨為太常寺卿

癸丑南工部右侍郎王友賢改北工部右侍郎總督王廷瞻
為右副都御史總督漕運

丁卯禮部定卹典事宜命纂入會典
乙巳免延安慶陽逋賦


庚午浙江巡撫蕭廩為南工部右侍郎南總督糧儲戶部右
侍郎宋纁為戶部右侍郎

南御史郭維賢落職以諫內操救董基也

禮科都給事中萬象春請慎齋居重祀典暫離深宮之燕閑
從事大廷之嚴肅忤旨奪俸三月

壬申河南巡撫楊一魁為南戶部右侍郎總督糧儲大理寺
卿溫純為兵部右侍郎兼右僉都御史巡撫浙江南右都御
史袁洪愈為南禮部尚書

癸酉南御史譚希忠言朝廷之上有大不可者三復李文全



伯爵是更威晚之制用內臣提督太和山是改設官守土之制選兵內操是變環衛防禦之制 陛下獨不念 祖宗防微之意乎 上大怒下南都察院究之 甲戌吏科都給事中齊世臣等奏請留許國 上然之溫旨慰留


七月丁丑諭肅朝儀

戊寅武安侯鄭惟忠署前軍都督府事

前太子太保工部尚書朱衡卒字士南江西萬安人嘉靖壬辰進士令尤溪進刑部主事歷郎中改禮部權福建提學副

使進四川叅政憂去起補河南陞山東按察使歷左右布政使拜右副都御史巡撫山東入工部右侍郎董工西內 上偉其貌改吏部進南刑部南書以河決改工部尚書兼右都御史總理河漕開昭陽新渠 穆宗加太子少保已回部會徐邳河決復經理事竣回部尋被劾去加太子太保年七十三予祭葬

浙江颶風潮溢 御史楊毓陽奏張若正家飢死十餘人予故刑部右侍郎鄭世威祭葬諡恭介字中孚福建長樂人嘉靖乙丑進士自刑曹出江西按察僉事不為嚴氏夏氏屈



轉湖廣叅議劾罷教授生徒躬耕自給嚴嵩敗起南右通政
擢左副都御史改刑部右侍郎以諫採珠不報乞歸郡邑監
司不識其面布褐二十年如一日

已卯傳君聞張居家自縊二人何云飢死十餘人也閣臣言
湖廣奏事人輕口前諸臣奏入誠無所逃罪上命詰其寔
工科給事中楊毓陽言臣寔疏中風聞所誤奪歲俸

南太僕寺卿曾同亨為大理寺卿順天府尹張惟一為右副
都御史巡撫河南

貴州提學副使馮時可致仕

京城多劫盜

刊兵部邦政條例

巡按遼東蘇鄧言邊地水利可興工部覆行之

庚辰御史黃師顏請故祭酒蔡清布衣胡居仁陳真晟從祀

孔廟下所司

辛巳沈思孝為光祿寺卿方九功為南太常寺卿

河工成


甲申工部請減織造議工費從之

乙酉浙江左布政使徐元泰為順天府尹前通政使右通政

國權

萬曆十二年

三



郭廷梧補南京

夜月犯建星

丁亥南戶科給事中阮子孝言五事建言諸臣宜優容言官
心事宜鑒別監場御史宜選擇撫按論列宜詳慎丁亥被論
不宜舉劾報聞

戊子鴻臚寺序班翟舉賢下刑部獄以訐前堂官賈名儒聞
訐宴飲楊宗仲庸劣尸素也

丙申夜月犯井宿
許國再乞休不許


庚子御史周光祖為太僕寺卿御史李植江東之羊可立為
光祿尚寶少卿時上御故輔甚疑諸大臣黨護及劉一相
疏入心益動以李植逐潘季馴遂嚮用下吏部以李植江
東之羊可立盡忠發奸不次擢用故有是遷
亦轄等族番人入貢

八月甲辰朔戶部左侍郎王之垣致仕
改折淮北三府冲疲漕運
乙巳御史原一魁乞宥建言得罪諸臣鄒元標郭維賢馮景
隆孫繼先黃道瞻曾同亨丁此呂伍可受譚希忠董基范儁

國權

萬曆十二年

二十三



等 上怒其市恩罰俸三月
屬夷長昂犯內邊入下莊總兵官楊四畏副總兵徐從義擊
卻之斬三級追至老鴉嶺而還


瞿九思曰世多言屬夷入寇蓋自庚戌始豈其然乎也先
之入我遼陽花當之入我馬蘭夫非前事與嗣是建昌喜
峰九年之間歲率以為常宜獨兩酋然哉兩酋受國覆載
思拜爵入貢如漢吏而長昂罪尤甚于董乍草乍復乍復
乍草皆善繼 二祖微意不然豈不能為王果之征也東
鄰殺牛不如西鄰之禴祭于三衛有近焉

戊申廣西平樂兵噪殺四十餘人官兵討定之事聞逮知府
周初

山西按察使許守謙為右僉都御史巡撫山西兵部左侍郎
辛自脩為南右都御史

巳酉冊貴妃鄭氏榮妃王氏其父鄭承憲進錦衣衛都指揮
使王文錦指揮僉事

壬子議復遼王國潘季馴之逐外議洵謂復廢遼重論居正申時行言張君正所
家屬至是有旨擬復廢遼重論居正申時行言張君正所
犯自足喪家遼庶人所犯自足傾國兩不相蒙復爵非制也



上然之遂葬遼庶人瞻次妻王氏給術璽庶糧二百石

設遷曰親王除國罪惟叛逆餘涉淫橫譴及其身未至墟
其宮屋其社也遼庶人配德多矣然與漠戎懸甚身沒幽
園足明其罪子或續封減祿三之一于情法各有其當也
明主可與忠言而吳縣反拘閹深憲謂妨江陵之事後耶
似未必然

蠲山東登萊通糧

誅遼府逆奴楊秀

甲寅宋纁為戶部左侍郎石星陰武卿為兵部左右侍郎改

李世達戶部右侍郎

丙辰徵戶部太僕寺各三十萬金閣臣力請減遂半之又因

秋祭山陵徵太倉五萬金太僕寺十萬兵部復持不可不聽

法司以故輔獄上命榜其罪于天下誣讒親藩侵占王墳籍

制言官蔽塞朕聰私廢遼王地假以丈量騷動海內專權亂

政罔上負恩謀國不忠本當斷棺慘屍念勤勞有年姑免盡

法其弟都指揮居易子編脩嗣脩 張順張書俱戍邊

設遷曰 上初師事江陵禮遇優渥雖尹旦無以過也身

沒未寒遽嬰大僂蓋檢約黼宸動不自由 慈訓飭于上

